

- Հայոց ապաբախտ գրողը նըստած
Ու միտք էր անում.- ինչ անեմ, աստված,
Թերթը փող շունի,- վարձ չի վըճարում,
Գիրքն առնող շունի,- գիրք չի վաճառվում,
5 [Անվարձ ու անհաց] ես ի՞նչպես գըրեմ.
Սակայն... բան չըկա, պետք է համբերեմ.
Երբ որ լրանա 40 տարի,
Ազգը հոբեյան պիտի կատարի:
- Կախարդական այն աշխարհում երջանիկ,
10 Ուր ապրում են երազները...
- էդ ի՞նչ ես նըստել, այ... մարդ
. անհոգ ու անդարդ,
Եկել են ահա ձմեռվան օրեր,
Պետք են մեզ պաշար, ձմեռվա շորեր:
15 - Ինձ մի՛ խանգարիր, հեռացիր, այ՛ կին.
Կըլինի անշուշտ ամենն իր կարգին.
Դու միայն սպասիր 40 տարի...
Ազգը հոբեյան պիտի կատարի...
- Կախարդական այն աշխարհում երջանիկ,
20 Ուր ապ...
- Հայրի՛կ, ներս մըտավ ուսանող որդին.
Ի՞նչ ասեմ հիմի ես իմ վարպետին.
Ասում էր՝ էգուց էլ դպրոց չըգա,
Ով փող չըբերի, ուսման վարձը տա:
25 - Հա՛, որդի, կըտանք, իրավ ես ասում.
Վարպետն էլ է մարդ, ապրել է ուզում...
Բայց թող սպասի 40 տարի...
Ազգը հոբեյան պիտի կատարի...
Ո՛րտեղ մնացի... այ՛ քու վարպետը
30 [Ջըհանդամ] գընա, հենց դու էլ հետը...
«Կախարդական այն աշխարհում երջանիկ,

Ուր ...»:

– Պարոն, դուք երբ որ ունեիք կարիք,
էնքան բան թողի ես ձեզ ապահով.

- 35 Ախար չէ՞ մեղք ենք... մենք էլ ենք ձերը,
Դուան մեջ կանգնեց խանութի տերը:
– Հա՛, կըտամ, կըտամ... ի՞նչ ես խանգարում,
Տեսնում ես՝ նըստած [ես բան] եմ գըրում...
Գընա, սպասիր 40 տարի...

- 40 Ազգը հոբեյյան պիտի կատարի...
– Ո՛րտեղ մնացի... ի՞նչ էի գըրում...
Ի՞նչ եք ներս գալիս մարդու խանգարում...
«Կախարդական այն աշխարհում...»:

- Շատ համբերելուց կըտըրվեց շարես,
45 Քո պարտքը, ախպեր, պիտի վըճարե՞ս,
Թե՛ հենց միշտ էդպես հայոց գըրողը
Պիտի կըլանի ձեռն ընկած փողը...
[– Գրում եմ, ախպեր, հանգիստ թող արա,
Ձի կորչիլ տված փողդ ինձ վրա.]

- 50 Դե գոնե սպասիր ... 40 տարի –
Ազգը հոբեյյան պիտի կատարի...
Ի՞նչ եղավ [թուղթս] գրիչս... ո՞ր կողմը կորավ...
էսպես էլ մարդիկ կըլնեն անիրավ...
«Կախ...»:

- 55 Հոգին էլ էստեղ հասավ բերանը,
Ու մեծ գըրողը կանգնեց դռանը.
– Դեհ, ժամը հասավ, պատրաստվիր, պոետ,
[Տենչերդ] հավաքիր ու արի ինձ հետ –
Վա՛հ, այսպես անժամ... դրամաս հապա՞մ...

- 60 [Յնորք, ծրագիր,] ուսում... Եվրոպա...
Հըրեշտակն այստեղ այնպես ծիծաղեց,
Խեղճ մարդը, իսկույն դալկացավ, պաղեց...
Եվ էլ չըսպասեց 40 տարի...
Ազգը մեծ թաղում պիտի կատարի: